

Alþingi
Erindi nr. P/39/2677
komudagur 23. 5. 2011



Nefndasvið Alþingis
Allsherjarnefnd
Austurstræti 8-10
150 Reykjavík

Reykjavík 23. maí 2011

Efni: Umsögn BSRB um frumvarp til laga um breytingu á almennum hegningarlögum, nr. 19/1940, með slðari breytingum (mansal), þskj. 1389 – 785. mál.

BSRB hefur fengið til umsagnar frumvarp til laga um breytingu á almennum hegningarlögum, um mansal.

Bandalagið hefur lagt sérstaka áherslu á baráttuna gegn mansali, þannig var samþykkt sérstök ályktun um mansal á 42. þingi BSRB. Í ályktuninni segir m.a. að mansal sé að aukast á Íslandi og því sé mikilvægt í baráttunni gegn því að stjórnvöld og frjáls félagasamtök starfi saman og markvissar, samþættar og samræmdar aðgerðir gegn mansali á alþjóðavettvangi séu nauðsynlegar. Hækkun refsiramma vegna mansals er í samræmi við framangreint.

BSRB fagnar markmiðum frumvarpsins og gerir ekki efnislegar athugasemdir við það.

Fyrir hönd BSRB

Helga Jónsdóttir

Helga Jónsdóttir
framkvæmdastjóri



Barnaheill
Save the Children Iceland

Alþingi
Erindi nr. P /39/2864
komudagur 1.6.2011



Reykjavík 30. maí 2011

Nefndasvið Alþingis
Austurstræti 8-10
150 Reykjavík

Umsögn Barnaheilla - Save the Children á Íslandi um frumvarp til laga um breytingu á almennum hegningarlögum, nr. 19/1940, með síðari breytingum (mansal). Þskj. 1389 — 785. mál.

Barnaheill - Save the Children á Íslandi eru sammála þeim breytingum sem lagðar eru til í frumvarpinu. Samtökin fagna því að við ákvæði 227. gr. A, sem var lögfest með lögum nr. 40/2003 sé bætt við refsíþyngingarástæðu í tilvikum þar sem brot beinist gegn barni, sbr. 24. gr. Evrópuráðssamningsins.

Samtökin vilja leggja áherslu á mikilvægi þess að berjast gegn mansali á Íslandi. Samtökin leggja ríka áherslu á að sérfræði- og samhæfingarteymið, sem skipað var í nóvember 2009 og á að tryggja yfirsýn og þekkingu á mansalsmálum og að þolendur mansals fái viðeigandi vernd og aðstoð, hafi vernd barna, sérstöðu þeirra og hagsmuni ávallt að leiðarljósi í tilvikum þar sem brot beinast að barni. Barnaheill - Save the Children á Íslandi leggja áherslu á að börn sem eru fórnarlömb mansals fái tilsjónarmann meðan mál þess eru ráðin. Þegar haft er upp á fjölskyldu barnsins sé tryggt að það skaði hvorki barnið né fjölskyldu þess og mikilvægt er að barn sé ekki sent til heimalands síns nema öruggar aðstæður taki við því. Jafnframt er mikilvægt að börn sem eru fórnarlömb mansals fái strax aðgang að allri þjónustu sem börn á Íslandi eiga rétt á samkvæmt lögum og barnsáttmála Sameinuðu þjóðanna.

Barnaheill - Save the Children á Íslandi vilja hér ítreka þá grundvallarreglu barnaréttarins og barnasáttmála Sameinuðu þjóðanna að ávallt beri að hafa hag og þarfir barnsins að leiðarljósi þegar málefni þess eru ráðin, sama hver þau eru.

Virðingarfyllst

f.h. Barnaheilla- Save the Children á Íslandi

Petrína Ásgeirsdóttir
Petrína Ásgeirsdóttir
framkvæmdastjóri

Barnaheill - Save the Children Iceland - Suðurlandsbraut 24, 108 Reykjavík
s. 553 5900 - fax. 553 5960 - barnaheill@barnaheill.is - www.barnaheill.is

Alþingi
Erindi nr. P 139/2816

Lamudagur 27.5.2011

From: bryndis.helgadottir@irr.is [mailto:bryndis.helgadottir@irr.is]

Sent: 27. maí 2011 10:30

To: Elín Valdís Þorsteinsdóttir

Subject: Varðandi mansalið og sérstakan saksóknara.

Sæl Elín Valdís.

Vegna umræðunnar um lengingu refsirammans í mansalsákvæðinu og heimild til að beita gæsluvarðhaldi í þeim tilvikum þegar refsiramminn er undir 10 árum sendi ég með ákvæði 98. gr. sakamálalaga er varðar gæsluvarðhald og einangrun í gæsluvarðhaldi en skv. 2. mgr. 98. gr. er ekki unnt að beita einangrun í gæsluvarðhaldi lengur en fjórar vikur. Það er það sem málið snýst um.

Sendi líka með drög að ákvæði til bráðabirgða vegna gildistöku í frumvarpi um sameiningu sérstaks saksóknara og efnahagsbrotadeildar.

kv. Bryndís

98. gr. Dómari skal að jafnaði leggja úrskurð á kröfu um gæsluvarðhald svo fljótt sem verða má. Ávallt er skylt að kveða upp úrskurð innan 24 klukkustunda frá þeim tíma að sakborningur, sem handtekinn hefur verið, kom fyrir dóm, sbr. 94. gr.

□Nú er þess krafist að sakborningur skuli sæta einangrun í gæsluvarðhaldi skv. b-lið 1. mgr. 99. gr. og á dómari þá að taka afstöðu til þeirrar kröfu í úrskurði. Ekki má úrskurða sakborning til að sæta einangrun nema hún sé nauðsynleg af þeim ástæðum sem greindar eru í a- eða d-lið 1. mgr. 95. gr. **Hún má ekki standa samfleytt lengur en í fjórar vikur nema sá sem henni sætir sé sakaður um brot sem varðað getur að lögum 10 ára fangelsi**. Enn fremur tekur dómari í úrskurði afstöðu til kröfu um hver tilhögun gæsluvarðhaldsvistar skuli vera að öðru leyti, sbr. 3. mgr. 99. gr.

4. gr.

Lög þessi öðlast gildi 1. september 2011. Ákvæði til bráðabirgða öðlast þó þegar gildi.

Ákvæði til bráðabirgða.

Fyrir 1. september 2011 er embætti sérstaks saksóknara heimilt að undirbúa sameiningu embættis sérstaks saksóknara og efnahagsbrotadeildar ríkislögreglustjóra m.a. með því að bjóða embættismönnum og öðrum starfsmönnum efnahagsbrotadeildar ríkislögreglustjóra starf hjá embætti sérstaks saksóknara. Þó er ráðherra heimilt að flytja saksóknara frá embætti ríkislögreglustjóra á grundvelli 36. gr. laga nr. 70/1996, um réttindi og skyldur starfsmanna ríkisins til embættis ríkissaksóknara. Þeim sem ekki þiggja starf hjá embætti sérstaks saksóknara við gildistöku laga þessara skal boðið annað starf innan lögreglunnar. Skulu þeir þá njóta sömu kjara og þeir njóta hjá ríkislögreglustjóra. Ákvæði 7. gr. laga nr. 70/1996, um réttindi og skyldur starfsmanna ríkisins, gilda ekki um störf sem ráðið er í samkvæmt þessari málsgrein.

Innanríkisráðherra skal skipa nefnd sérfróðra manna að höfðu samráði við hlutaðeigandi ráðuneyti til þess að endurskoða skipulag og tilhögun rannsókna og saksóknar í efnahagsbrotamálum og gera tillögur að

heildarskipulagi slíkra rannsókna innan einnar stofnunar í þeim tilgangi að gera þær skilvirkari og markvissari og tryggja sem besta nýtingu fjármuna sem ætlaðir eru í þessu skyni. Skal nefndin í störfum sínum hafa hliðsjón af skipan efnahagsbrotarannsókna annars staðar á Norðurlöndum. Skal nefndin skila ráðherra tillögum ásamt greinargerð eigi síðar en einu ári frá gildistöku laga þessara.

Alþingi
Erindi nr. P 139/2632
komudagur 23.5.2011



Jafnréttisstofa

Nefndasvið Alþingis

Austurstræti 8-10
150 Reykjavík


Akureyri, 23. maí 2011
1105026 IE

Efni: Umsögn um 785. mál, þskj. 1389, lþ. 139, frv. til breyt. á alm.hgl.

Með tölvubréfi dags. 18. maí 2011 óskaði allsherjarnefnd Alþingis eftir umsögn Jafnréttisstofu um 785. mál, þskj. 1389, lþ. 139, frv. til laga um breytingu á almennum hegningarlögum (refsing fyrir mansal).

Jafnréttisstofa tekur undir allt það sem fram kemur í greinargerð með frumvarpinu og í ljósi þess hversu alvarleg mansalsbrot eru styður Jafnréttisstofa það að þær breytingar sem hér eru lagðar til verði samþykktar.

Virðingarfyllst,


Ingibjörg Elíasdóttir lögfræðingur



MANNRÉTTINDASKRIFSTOFU ÍSLANDS
ICELANDIC HUMAN RIGHTS CENTRE

Alþingi
Erindi nr. P 139/2609
komudagur 20.5.2011

Alþingi
Nefndasvið
Austurstræti 8-10
150 Reykjavík

Reykjavík, 23. maí 2011

Efni: Umsögn Mannréttindaskrifstofu Íslands um frumvarp til laga um breytingu á almennum hegningarlögum, með síðari breytingum (mansal), 139. löggjafarþing 2010 -2011. Þingskjal nr. 1389 – 785. mál.

Mannréttindaskrifstofu Íslands hefur borist til umsagnar ofangreint frumvarp til laga um breytingu á almennum hegningarlögum. Markmið frumvarpsins er að hækka refsiramma mansalsákvæði 227. gr. a í hegningarlögnum úr 8 árum í 12 ár einnig er lagt til að ákvæðinu sé breytt á þann veg að það tæmi ekki sök gagnvart brotum á 2.mgr. 226. gr. laganna heldur sé mögulegt að refsa fyrir brot á því ákvæði samhliða.

Mannréttindaskrifstofan fagnar frumvarpinu og telur að með þessum breytingum verði réttarvernd fórnarlamba mansals sterkari þar sem mögulegt verður að úrskurða mann í gæsluvarðhald á grundvelli almannahagsmuna sbr. 2.mgr. 95.gr. laga um meðferð sakamála nr. 88/2008. Einnig verður dómurum gert kleift að dæma brotamönnum refsingu í takt við alvarleika þess brots sem mansal er og samræmis verður gætt við önnur sambærileg brot.


Virðingarfyllst,

f.h. Mannréttindaskrifstofu Íslands

Margrét Steinarsdóttir, framkvæmdastjóri

Alþingi
Erindi nr. P 139/2820
komudagur 27.5.2011

Alþingi
Allsherjarnefnd
150 REYKJAVÍK



Persónuvernd

Rauðarárstíg 10 105 Reykjavík
sími: 510 9600 bréfasími: 510 9606
netfang: postur@personuvernd.is
veffang: personuvernd.is

Reykjavík, 27. maí 2011
Tilvísun: 2011050620BS/--

Persónuvernd vísar til tölvubréfs allsherjarnefndar Alþingis frá 11. maí 2011 þar sem óskað er umsagnar stofnunarinnar um frumvarp til laga um breytingar á almennum hegningarlögum nr. 19/1940, þ.e. á ákvæðum um refsingu fyrir mansal (þskj. 1389, 785. mál á 139. löggjafarþingi).

Ekki verður séð að ákvæði frumvarpsins feli í sér breytingu á reglum um meðferð persónuupplýsinga. Persónuvernd gerir því ekki athugasemdir við efni þess.

Virðingarfyllt

A handwritten signature in black ink, appearing to read 'Þ. Sveinsson'.

Þórður Sveinsson



Alþingi
Erindi nr. P 139/2679
komudagur 23. 5. 2011

RÍKISLÖGREGLUSTJÓRINN

Reykjavík 23. maí 2011

Tilvísun: 2011050154

50.03


Tilvísun yðar: Þskj. 1389- 785. mál

Nefndasvið Alþingis
Austurstræti 8-10
150 REYKJAVÍK

**Efni Frumvarp til laga um breytingu á almennum hegningarlögum, nr. 19/1940, með
síðari breytingum, 785. mál**

Vísað er til tölvupósts nefndasviðs Alþingis til ríkislögreglustjóra 18. maí sl. þar sem leitað er umsagnar um frumvarp til breytinga á almennum hegningarlögum, 785. mál. Af hálfu embættis ríkislögreglustjóra eru ekki gerðar athugasemdir við frumvarpið.

F.h. RLS

 
Gísli Pálsson / Hildur Georgsdóttir

RÍKISSAKSÓKNARI

Alþingi
Erindi nr. P 139/2573
komudagur 20.5.2011

SJF/kb


Reykjavík 19. maí 2011

Tilv.: 20110-0470

670

Allsherjarnefnd Alþingis hefur sent ríkissaksóknara til umsagnar frumvarp til laga um almenn hegningarlög (refsing fyrir mansal), 785. mál.

Ríkissaksóknari tekur undir þær röksemdir sem fram koma í athugasemdum við frumvarpið, sem samið var í refsiréttarnefnd, en ríkissaksóknari á sæti í refsiréttarnefnd.



Sigríður J. Friðjónsdóttir
ríkissaksóknari

Nefndasvið Alþingis
Austurstræti 8 - 10
150 REYKJAVÍK



TOLLSTJÓRI

Alþingi
Erindi nr. P /39/2678
komudagur 23.5.2011

Nefndasvið Alþingis
Austurstræti 8 – 10
150 Reykjavík

Reykjavík 20. maí 2011.


Málefni: *Umsögn um frumvarp til laga um breytingu á almennum hegningarlögum, 19/1940, með síðari breytingum (mansal). Þingskjal 1389 - 785. mál. Lagt fyrir Alþingi á 139. löggjafarþingi 2010 – 2011.*

Tollstjóri hefur móttengið erindi Allsherjarnefndar Alþingis, sent með tölvupósti 18. maí sl., þar sem óskað er umsagnar um frumvarp til laga um breytingu á almennum hegningarlögum, nr. 19/1940, með síðari breytingum (mansal). Þingskjal 1389 - 785. mál.

Með frumvarpinu er lagt til að refsiramma almennra hegningarlaga fyrir mansal verði hækkaður úr átta ára fangelsi í tólf ára fangelsi auk þess sem lagt er til að mansalsbrot tæmi ekki sök gagnvart öðrum alvarlegum frelsissviptingarbrotum eins og nú er.

Tollstjóri gerir ekki athugasemdir við frumvarpið.

Virðingarfyllst,


Sigurður Skúli Bergsson
aðstoðartollstjóri